

陝西通志



第七十一卷
陵墓二

DS
793
S45S5
1735
v.71

陝西通志第七十一卷

陵墓二

延安府膚施縣

晉

夏主赫連勃勃墓

在城南杜甫川後延川縣南六十里白浮圖

寺前七塚相傳赫連勃勃葬此

府志

勃勃葬嘉平陵

十六國春秋夏錄○按寰

宇記云勃勃墓在霍山最高峰未知誰是

尸毘墓

延州天山之巔有奉國佛寺庭中有一墓世傳尸毘王

之墓尸毘出於佛經大智論言常割身肉盡今天山下有濯筋

河其縣為膚施慶曆中施昌言鎮鄜延壞奉國寺為倉發尸毘

墓有枯骸尚完脛骨長二尺餘顱骨大如斗並得玉環玦七十

餘件

夢溪筆談

後梁

高刺史萬金墓

在府城南八十里盤龍村馬志萬金河西人高

萬興弟延州刺史貞明四年卒乃以萬興為鄜延節度兄弟世

守其土

延綏鎮志

宋

鄭指揮榮墓

在府南十里

馬志

榮京兆人始以民兵來延有戰功

授都指揮

賈志

明

楊都御史宗氣墓

在城南十里柳林山頂賜祭墓

賈志

楊太保兆墓

在城北五里賜祭墓父御史本深墓亦在焉

府志

楊叅政吉墓

在伏龍山

府志

楊同知如松墓

在城南十里

賈志

贈尚書趙仕墓

在城西十五里

賈志

在城西神仙溝子太傅彥光

祿章祔

府志

章卒於崇禎庚辰以癸未祔墓於贈太傅公父之次

與兄太傅彥分左右

劉豫嘉謨趙光祿章墓志

張布政世烈墓

在城南五里夏家塔側

賈志

白巡撫希繡墓 在城西南杜甫川賜祭塋賈志

蕭大將軍如薰墓 在城南三里杜甫川其祖都督漢墓亦在焉

府志

張副使廷雲墓 在城東五里白雲窩賈志

楊知縣如桂墓 在城南賈志

董都憲珊墓 在城東十里府志

楊同知墀墓 在城南十里府志

高知縣夢禎墓 在城南十里卧虎灣賈志

李知府賦秀墓 在城南十里賈志

趙員外廣印墓 在城北二里王家坪府志

劉翰林世芳墓 在城北二十里府志

趙處士應震墓 在城東二里有提學汪喬年碑賈志

李烈婦墓 在城西南杜甫川毘家茆有碑賈志

本朝趙知縣隆引墓 在神仙溝賈志

白知縣可久墓 在城西十里府志

安塞縣

明郭知縣東陽墓 在縣石峰山左府志

王驃騎將軍倫墓 在縣南三十里府志

王推官謨墓 在縣南鳳凰山下府志

馬叅議懋才墓 在縣南十里府志

甘泉縣

清薄姬塚 在縣西六十里塚高丈餘其間老松古柏蒼鬱相映馬志

縣西府城村外俗傳煬帝北巡選納鄭妃名薄姬歿後葬此人

稱薄姬塚縣志

元 袁御史榮墓 在縣南十里府志 榮元行御史臺中丞馬志

文侍郎允中墓 在太和山前縣志

明 刑部尚書開濟墓 在石馬河縣志

高御史亮墓 在焦家莊縣志

石主事瑩玉墓 在縣東臨鎮川府志

安定縣

明 薛給事文周墓 在縣東十里府志

藍總兵墓 在縣東郭任寧夏總兵名失傳縣志

本朝 薛經歷廷驤墓 在縣東五里府志

附疑 宋潘美墓蟠龍山在縣南八十里嶺上古柏蒼翠相傳潘

美墓在焉故又名忠山縣志○按美非陝人又未嘗終於陝其

保安縣

宋 劉節度延慶墓 在保安縣北二里延慶係宋保信軍節度使志

明 李御史光祖墓 在東山府志

王學士大任墓 在南門外府志

韓副使炳衡墓 在縣南川縣志

宜川縣

明 張都諫琛墓 在縣南五里郭家礪府志

劉孝廉子誠墓 與弟知州子誠墓俱在縣北九臺山子誠倪元

璐撰墓誌府志

劉知縣繼墓 在縣北十里如渠原賈志

楊都督自新墓 在縣北八十里神田嶺賈志

延川縣

明 高副使懷敬墓 在延川縣府志

延長縣

明樊解元儀墓

在縣南五十里石跋村儀歷官江西提學縣志

宋知州大奎墓

在縣境縣志

本朝薛侍郎柱斗墓

在縣西千谷驛南山下祔於其父之奇叔之

鳳側

縣志

鳳翔府鳳翔縣

上古

鴻塚 鬼史區號大鴻黃帝大臣也死葬雍故鴻塚是

史記五帝本紀

註索隱曰黃帝臣大鴻葬雍鴻塚蓋因大鴻葬為名也

封禪書註疏

仡紀帝鴻氏葬雖離之鴻塚是矣在秦漢皆列祀典

路史

鴻塚是

大鴻塚即帝鴻也史漢書說者更以為鬼容邱益非按今塚在

雍以知所都亦不遠黃帝之都也

路史註○按史記註曰黃帝臣路史曰帝鴻氏歷世荒遠

難稽應從史註

周秦穆公墓

在鳳翔府城內東南隅

明一統志

周圍五丈有奇前有碑

歲時致祭

縣志

繆公墓

史記秦本紀

皇覽曰秦繆公冢在橐泉宮祈

年觀下

本紀

橐泉在城東墓在城西無百步乃知昔未有此城

秦人以泉識公墓

宋蘇軾穆公冢詩○按史記註謂雍縣東南二里是在城以外也此城正唐末李茂貞所

築

三良塚

在城南半里許有碑記

縣志

文公六年秦伯任好卒以子

車氏之三子奄息仲行鍼虎為殉皆秦之良也國人哀之為之

賦黃鳥

朱子詩傳

正義曰括地志云三良塚在岐州雍縣一里故城

內

史記秦本紀註○按史記註三良塚在城內今在城外是城已改築也

六塚

在城西六塚里塚甚高大不詳所始疑即秦諸公陵也

縣志

雙塚

在城西十五里雙塚村

縣志○按雙塚相傳已久村里俱因此得名故叙於六塚之後

霍侍郎瑄墓

在府城南二十里勅葬

馬志

附疑

殷比干墓政和間朝廷求三代鼎彝器李朝儒為陝西轉

運遣人於鳳翔府破商比干墓得銅盤徑二尺餘中有款識一

十六字又得玉片四十三枚其長三寸許上圓而銳下濶而方

厚半指玉色明瑩以盤獻之於朝玉留秦州軍資庫道君皇帝

曰前代忠賢之墓安得發掘乃罷朝儒出其盤其玉久在秦帑

王庶知秦州取之而去祁寬居之嘗見之為余言然比干墓在

衛州西山去城數十里有漢唐以來碑刻甚多墓周圍數里生

異木膠結不可入而居之言墓在關中未知何也

墨莊漫錄○按衛輝府志

殷比干墓在城北十五里即周武王所封信矣此云比干墓者考漢有何比干自汝陰徙平陵仕武帝時其後世為名族豈何

墓墓此而後遂訛傳耶

附迷

秦惠文王墓惠文王葬公陵

史記秦始皇本紀

正義曰括地志云

陵在雍州咸陽縣西北一十四里

本紀

○悼武王墓悼武王葬

永陵

秦始皇本紀

徐廣曰：葬畢陌，今安陵西畢陌。正義曰：括地志云

在雍州咸陽縣西十里，俗名周武王陵，非也。

本紀註

皇覽曰：冢在

扶風安陵縣西北畢陌中，大冢是也。人以為周文王冢，非也。周

文王冢在杜中。

秦本紀註

○漢淮南王長墓，長謀反，事覺，載以輜車

令縣次傳，不食而死。縣傳者不敢發車封，至雍，雍令發之以死。

聞廼以列侯葬淮南王于雍，置守冢三十家。

漢書淮南王傳

○按史記

紀：元德公宣公成公俱葬陽康公墓，均社共公葬康公南桓公墓，義里丘北景公葬丘里南畢公墓，車里北夷公葬左宮惠公墓，車里悼公葬僖公西刺龔公墓，入里蹠公墓，悼公南懷公墓，繆圉氏靈公墓，悼公西簡公葬僖公西惠公墓，陵園出公墓，雍獻公墓，繆圉孝公墓，弟圉應俱在鳳翔境，今皆無及。

岐山縣

皂角陵

在縣東南十里，朝代未詳。

賈志○按諸舊志俱列皂角陵於周陵之前，今仍之。

太王陵

在岐陽鎮北，俗云幽王陵。

縣志

按明一統志：幽王陵在臨

潼北二十五里幽王死驪山下陵在臨潼者為是舊志言鎮內

有太王廟而志無太王塚太王始遷岐下塚在岐陽無疑關中陵墓

志

唐昌樂縣男李淳風墓 在縣北墓傍有祠縣志在縣東北五里賈志按

河南府志李淳風墓在新安縣盧院保畿輔通志淳風墓在涿州東北向陽里皆無所徵信考唐書淳風岐山人似應以此為

正又西安府志蓋厓東郭二里亦有淳風墓

金完顏元帥墓 在塔店北賈志在益店北金之宗室名失傳縣志

扶風縣

周姜太公夫人墓 在縣西南馬志在漳水南八里縣志

漢馬將軍援墓 在縣西南八里伏波村馬志在縣西有碑存縣志援卒

後有上書譜之者帝怒妻孥惶懼不敢以喪還舊塋裁買城西

數畝地橐葬而已妻子詣闕上書訴冤前後六上然後得葬後漢

書本傳

司徒魯恭墓

在縣北四十里魯馬村

馬志○按中牟縣志恭墓在縣西北兗州府志載恭

墓在焦氏山南考後漢書本傳恭以老病罷官卒於家則中牟諸處皆非實冢

班中郎固墓

在縣東二十里

關中陵墓志

有碑賈志往余計偕道過扶

風見路旁短碑僅尺許為班孟堅墓字復漫漶半沒草土中又

三十餘年而余備兵涇原按部岐鳳訪班氏後僅自江一人貧

苦憔悴因捐空役餼金檄扶風令置田七十畝於班氏棄園故

地令自江力耕教其子府屬併黃令亦捐俸廣地六十畝構屋

數間為具牛種庶幾無艱於衣食而蕃育其子姓乎

黃煒班氏廣育莊記

晉竇滔墓

在縣北周秦坡

賈志

故有碑出名人手筆摹搨者多里人

苦之乃陰毀焉

縣志

隋文帝泰陵

在邑東南四十五里陵地九頃餘城垣遺址尚存

縣志

文獻獨孤皇后仁壽二年八月葬於泰陵隋書后妃列傳高祖文皇帝

仁壽四年冬十月己卯合葬於泰陵同墳而異穴文帝陵高五

丈周數百步關中陵墓志○按元和志文帝葬陵在武功縣西南二十里三時原考武功西南二十里已交扶風

界今陵在扶風境

唐武部尚書楊恂墓 在縣東北二十里舊美陽城北二里遠門有

穹碑隸字甚奇古府志碑高二丈五尺廣三之一元宗御製文太

子亨書今字漫滅幾半縣志

元楊孝子皞墓 在縣南二十里賈志

趙孝子榮墓 在縣西二十里柳店舖西有碑存焉府志

招討將軍胡昱墓 在縣東杏林舖北縣志

明胡府尹宗道墓 在東郭外奉勅修賈志嘉靖元年賜祭有碑縣志

雙烈女墓 在縣東十里賈志

四女墓 在縣南十里 賈志 相傳墓四孝女未詳 縣志

附疑 周晉太師師曠塚在潞阮 縣志 〇按明一統志師曠墓在洪洞縣東南二十里濟南府志

師曠墓在新泰縣北十五里昔人俱疑之然曠晉樂師必不遠陸於秦也 〇漢陰后塚在臨平亭部

按漢書和帝使魯恭策廢后卒葬此 縣志 〇按河南通志載陰

臨平亭雖扶風亦有臨平然應以近桐宮者為是

郿縣

周 秦武公墓 武公葬雍平陽 史記秦本紀 按秦都世次自周東遷始有

岐西或營邑在郿或徙居平陽或居封宮卒葬平陽皆此一地

也至德公復徙居雍則平陽在今郿縣境西濱渭當岐西南此

與或言武公墓宣陽聚東南者合 劉紹周平陽封域辨

宋 張橫渠先生墓 在縣東南橫渠鎮祠堂南十五里 馬志 先生父涪

州公迪暨弟戢以下四世墓俱在 府志 先生再謁告西歸過洛見

二程曰載病不起尚可及長安也熙寧十年冬十二月乙亥行

次臨潼沐浴更衣而卒門人衰經輓車送其喪歸於家元豐元

年八月癸酉葬父涪州墓南之祔穴

呂與叔撰橫渠行狀

有宋太常博士

張天祺以熙寧九年三月丙辰朔暴疾不祿越是月或生魄越

翼日壬辰歸祔大振社先大夫之塋其兄載以報塋不得請銘

他人手疏哀辭十二各使刻石置壙中

橫渠撰其弟載壙志

明成化十八

年提學副使戴珊開廣塋域弘治八年提學副使楊一清築垣

樹扁命以春秋致祭

府志

金樓閑居士張中偉墓

在縣治西北十里中偉官昭毅郎兄中孚

封原國公墓亦在焉封爵碑記俱存

府志

大定二十五年三月庚

戌以疾終於家以明年三月甲申奉君之喪葬於郿之斜渭鄉

原公墓之東

侍講沈英撰墓表

中孚官尚書左丞進封崇王墓在居士

西中彥歷吏部尚書其墓未詳所在今里人稱張金紫墳舊有

翁仲石羊馬耕者侵而沒焉僅遺址畝許云縣志

反驢墓 縣治東二十五里曰反王城至正十四年元將反驢築

有塚俗稱蠻王塚半啣於教坊河縣志

王尚書番墓 在縣東一里馬志

何叅議回墓 在縣治東北十五里有碑縣志

附疑 周甯大夫戚墓在郿縣東南十五里有二塚故村名曰甯

曲馬志按明一統志宿州西平度州西俱有戚墓戚係齊桓左相

彼時此地屬秦戚墓不應在此疑有誤府志

寶雞縣

秦寧公墓 寧公墓西山史記秦本紀正義曰括地志云秦寧王墓在

岐州陳倉縣西北三十七里秦陵山帝王世紀云秦寧公墓西

山大麓故號秦陵山也

本紀註。按始皇本紀云墓衙與此不同

唐岐王李茂貞墓

在縣北五里

府志

在治北五里陵原上

縣志

元邠國公李思齊墓

在縣東三十里

府志

縣東底店後山上兄弟有

七思齊行三故邑人呼其墓為三相公墳

馬志

明劉侍郎俊墓

在縣東三十里

賈志

張侍郎撫墓

在寶雞縣東十里勅葬大學士李東陽銘

馬志

本朝党相國崇雅墓

康熙八年十二月卜葬寶雞縣東西平原

衛周

祚撰墓志

附錄

唐號國夫人楊氏墓馬嵬之難號國與國忠妻裴柔等奔

陳倉縣令率吏追之意以為賊棄馬走林號國先殺其二子柔

曰丐我死即並其女刺殺之乃自剄不殊吏載置於獄問曰國

家乎賊乎吏曰互有之乃死瘞陳倉東郭外

唐書后妃列傳

沂陽縣

唐贈都督段行琛墓

在縣北七十里

賈志

萬曆三十六年知縣李枝

秀記云縣西北七十里為唐太尉段秀實父贈揚州大都督段行琛墓鳳翔少尹張增撰神道碑文字畫類顏魯公因俗傳段烈士墓故錄其記

縣志

麟遊縣

宋甄參政海墓

在縣西二十二里

縣志

三賢墓 在縣西五十里招賢里之南山上其里由此得名但代與人俱失傳矣

縣志

二女塚 在縣西二十五里龍窩道左有二塚相傳明初兵過見

二女妍欲挾之不從相對刎死鄉人為墓路傍姓氏莫考

縣志

侍郎儀墓

在縣西五里鳳鳴山後有御祭文及楊士奇墓表

御書御史希賢祔墓

縣志

李解元著墓 在縣西十五里

縣志

蘇員外斌墓 在縣北三十里

縣志

蔡御史敬墓 在縣西十五里

縣志

何郎中昇墓 在縣城東

縣志

田御史濟墓 在縣南二里子評事孔昭祔墓

縣志

侯知縣珠墓 在縣北三十里

縣志

直臣知縣虎臣墓 在縣西二十里

縣志

呂評事哲墓 在縣東四十里

縣志

張郎中惠墓 在縣西二十里

縣志

劉推官承纓墓 在縣西五里九成宮排雲殿下墓父教授劉誦

祔穴

縣志

附疑

漢揚虛侯馬武墓在縣北三十里五原坊

縣志○按鳳陽府志武墓在太

和縣北息縣志武墓在縣東五里尉氏縣志在縣東鄧州志在小東門外未知孰是要之麟遊無武墓可知也

○董孝

子永墓在縣東常豐里

賈志

常豐里有墓傳為永墓墓側有廟稱

為織女祠去廟一里有村曰絲家溝但孝順事實以永為天長

人一統志如臯孝感俱有永墓山東通志長山魚臺博興亦各

有墓未究其的

縣志

隴州

漢相公墓

在州東三十里相傳後漢右丞相墓失其姓氏

州志

明閻尚書仲宇墓

在隴州西仲宇兵部尚書贈太子太保勅葬

馮志

在州西北三里

賈志

艾布政英墓

在隴州南十五里英浙江右布政使

馮志

李尚書善墓

在隴州北二里善工部尚書進階光祿大夫勅葬

馮志

附疑 周赧王塚在隴州北三十里馮志一統志謂在湖廣慈利縣

容齋續筆云其中藏古器甚多按史記赧王入秦秦受其獻歸

赧王於周自洛陽徙河南隴不得有墓明矣關中陵墓志

漢中府南鄭縣

宋 李師顏墓 在府城西二十里賈志蘇軾撰誌銘府志

明 楊武襄洪墓 在城西二里府志

張侍郎羽墓 在府城北十五里勅葬有碑賈志

甘尚寶學書墓 在城西南賈志

張御史允升墓 在城東二里府志

朱御史綬墓 在城北十五里府志

王副使堯民墓 在城北五里府志

潘副將國俊墓 在城北五里府志

席解元增光墓 在城東南二里府志

王行人雲聲墓 在城北三里府志

本朝李副使聖翼墓 在城東三里府志

襄城縣

襄德將軍墓 在縣南一里柏香街賈志相傳張疑塚也上多叢木

人不敢伐府志

宋韓子堅墓 在縣南六十里賈志子堅字公遠嘉定五年八月無疾

坐逝年七十八以是歲十月葬於龍河鄉伏龍原西阿之先塋

郭冠敬撰墓志

城固縣

漢博望侯張騫墓 在縣西二十三里馬志

李太尉固墓 在城固縣西三十里有石碣題曰漢忠臣太尉李

公神道唐韋臯作碑記馬志長柳村名也漢太尉李固墓碑銘尚

存文字剥落不可復識水經註李固墓在林縣東固爲梁冀所害

弟子董班守尸積十日不去帝嘉其義許祿歛送喪至漢中而

還則固葬南鄭矣此墓未詳○舊志固墓在磁州諸翟村按漢

書列傳固漢中南鄭人被梁冀誣害臨終勅子孫素棺三寸幅

巾歛殯於本郡礮确之地不得汚先公塋域時二子基滋被收

死獄中少子燮亡命雖弗克如治言然當其暴尸京城時弟子

郭亮董班同往哭臨殉尸不去遂聽祿歛歸葬今漢中城固縣

其墓在焉意者其同難杜喬亦以故吏楊匡詣闕上書乞還葬

李杜骸骨故磁有喬墓因附稱固墓耶河南通志

七女塚 在城固縣東北城固圖說壻水東經七女塚塚夾水羅布如

七星高十餘丈周迴數畝元嘉六年大水破墳墳崩出銅不可

稱計得一磚刻云項氏伯無子七女造槨世人疑是項伯塚

水經

註壻水南歷壻山又東逕七女塚酈道元云世人疑是項伯塚

按史記項伯名繆封射陽侯子睢封後以罪除所疑項伯無子

七女造塚者妄也

宛委餘篇

張魯女墓 黃沙水南有女郎山山上有女郎冢遠望山墳鬼鬼

狀高及即其所裁有墳形山上有直路下出不生草木下有女

郎廟及擣衣石言張魯女也

水經註

在女郎山魯女浣衣山下有

霧蒙身因有孕耻之自殺將死謂婢曰我死剖腹視之婢如言

得龍子一雙送之漢水後有龍至墓前成谿其下有女郎廟

縣志

安康侯楊從義墓 在城固縣北十五里從義鳳翔天興人由進

武校尉封安康郡開國侯

馮志

將軍介梁洋間居焉卒葬於城固

水北村袁勃撰墓碑記

明党御史傑墓 在縣西北二十里常家溝府志

謝副使宸墓 在縣東六里蔡家壩縣志

廉按察司第墓 在縣西北二十里常家溝府志

李參議必達墓 在縣東五里蘇村府志

張巡撫鳳翮墓 在縣南十里杜家山縣志

田御史起鳳墓 在縣北五里栗子園縣志

羅副使國華墓 在縣東北二十里白雲山左府志

党知州琬墓 在縣北栗子園府志

本朝趙都御史京仕墓 在縣北二里邯鄲村府志

李督學可喬墓 在縣西北常家溝府志

西鄉縣

太子塚 在縣西南七十里男兒壩每陰雨墳中常聞簫鼓聲已

失其時代府志

元 皇極公赤及都墓 在縣北府志

洋縣

漢 龍亭侯蔡倫墓 在縣東二十五里關中蔭墓志 在龍亭舖南園一畝

許龜螭埋沒明劉美撰蔡倫墓記 墓址一畝二分有祭田載碑記年遠碑

毀土人侵佔知縣鄒溶整復之縣志

唐 玉貞公主墓 在縣西四十里玉貞觀後府志

宋 張太守中庸墓 在縣東北二百里椒溪河公牧洋明敏廉惠洋

人德之歿葬於此見名宦通志作張嘉墓非縣志 漢中志曰洋縣

東北一百四十里有嘉墓縣志不載只載嘉年十五遊長安與

唐李泌善宰蜀之雲居年二十五卒關中陵墓志 按賈志以爲張嘉縣志以爲中庸府

志又兩岐之據關中陵墓志是嘉興中唐二人時代
各異但縣志不載嘉墓所在今無可考附識于此

彭安撫輅墓 在縣北十五里釋子山輅官安撫使縣志

太學生雍冲墓 在縣東北十五里雍家溝府志紹聖中冲為太學

生見章惇變革元祐政事削逐黨人上書數其罪乞斬之有旨

流放興元府紹興中楊用中謂張浚曰興元楊冲遠可以為師

洋州雍冲可與為友縣志

七女塚 在縣東關後昔一土人無子有女七父歿七女負土築

塚因名七女塚舊志載四在洋縣三在城固誤為葬七女冢矣

縣志○按城固在洋縣西另有七女塚

明李侍郎彪墓 在縣西二十里府志

蕭解元靖墓 在縣東五里周家店府志

任解元綱墓 在縣北三十里社村壩府志

李司務嘉賓墓

在縣東北五里牛首山府志

薛知府選墓

在縣西北九里岡府志

樊知州盛墓

在縣北三里紙房街府志

任知州朝臣墓

在縣南十里雞子山府志

黃知縣甲墓

在縣東十里貫溪舖翟家村後府志

李副使時孳墓

在縣東六十里真符鎮副使固本墓亦在焉府志

張太僕企程墓

在縣西北五里南陽村府志

李知府喬岱墓

在縣西二十里白廟村府志

李尚書遇知墓

在縣東二十五里拓樹坪府志

吉知府孔嘉墓

在縣東南三里南原府志

李副使景廉墓

在縣西三十里蘋草溝弟主事景貞墓府志

汚縣

諸葛武侯墓 在沔縣南十里定軍山下府志亮遺命葬漢中定軍

山因山為墳冢足容棺斂以時服不須器物蜀志本傳沔縣故城南

對定軍山諸葛亮之死也遺令葬於其山即因地勢不起墳壟

惟深松茂柏攢蔚川阜莫知墓塋所在水經注陸務觀說漢中之

民當春月男女行哭首戴白楮幣上諸葛公墓其哭皆甚哀云

朱子語類武侯壘東南有定軍山入山十餘里有諸葛武侯墓鍾會

征蜀至漢州祭亮之墓令軍士不得於墓前芻牧樵採墨娥漫錄墓

前有石表云漢丞相諸葛公之墓馮志

馬將軍超墓 在沔縣東五里馮志漢建安五年諸葛武侯軍至沔

陽親詣墳所設祭今名馬場關中陵墓志○按四川通志新都縣南三里亦有馬孟起墓未知孰

是

畧陽縣

黃侍郎文墓

在縣東二十里

賈志

周侍郎道墓

在縣西三十里寶虹山置口沿江以西五里許

府志

杜觀察融墓

在縣東二十里橫嶺山杜堅自茂陵徙居畧陽生

子融忠勇仕至觀察使融孫果暹仕至御前選率步軍總管都

督俱祔葬於拓盤村橫嶺山堅墓左右自吳曦叛逆碑碣毀壞

無存

府志

王夫人楊氏墓

在縣西四十里公山上乃郡太守招撫使王大

才之祖母

馬志

封主事庫寶墓

在縣北八十里石門

縣志

榆林府榆林縣

李彞昌墓

在衛北十里紅石硤舊傳李繼遷葬其祖彞昌障水

別流而鑿石為穴以葬及葬畢仍引水流於故道今俗傳墓在

水中石穴

賈志

夏元昊祖墓

在城西南十里王墓山

縣志

有斷碑字已磨滅相傳

為夏元昊祖墓

延綏鎮志

馬洛南伯禎墓

在城南賜祭葬

延安府志

陳忠襄鳳墓

在城南三十里賜祭葬

延安府志

王都督威墓

在城西南十里响岔兒

延安府志

郭都督江墓

在三岔川

延安府志

蔣三尹賢墓

在堡兒山北廟兒梁賢靈壁主簿死難有司造墳

焉

延綏鎮志

靖邊縣

明梁烈士文炳墓

在縣城南二里

縣志

本朝張知縣黼鑑墓

在縣城南五里南山

縣志

黃總兵喜林墓 在縣南八十里南灘雍正五年二月

賜祭葬縣志

興安州

太子墳 在州城南三里歡喜嶺下有巨塚相傳為堯第九子無

所考姑存之昔有牧兒陷入見殿庭儼然皆上古時物以土封

之遂失其從入之路州志

州李御史善墓 在州南賈志

謝參政文墓 在州南賈志

屠知府安民墓 在州西賈志

屠知縣濟墓 在州東賈志

侯知縣大化墓 在州東賈志

劉郎中宇墓 在州北賈志

石泉縣

周鬼谷子墓

在邑北雲霧山中名鬼谷子嶺相傳先生隱處有廢

址其鐵棺尚存周廻奇花異卉一本而五色者大如碗采茯苓

者多見之或繫帶以識之行數武而迷其處

縣志○按漢中府志云褒城縣西北

五十里黃茅坪亦有鬼谷子墓

洵陽縣

蜀孟達塚

在縣東一里臨崖寺左

縣志

明張主事鳳翔墓

在洵陽縣南二里鳳翔戶部主事

馮志

縣南二里

留停山上

縣志

附疑

蜀王塚在縣東一百六十里王家莊父老相傳蜀王孟昶

駐兵之地卒葬於此按蜀王塚在川巴而此亦云然者豈當時

宮眷有葬於此而誤傳為王塚耶

縣志○按河南通志孟昶墓在通許縣西北三十里則洵

陽志所謂在川
巴者亦非也

商州

舜妃女英冢

在州東五里龍山

州志

陳倉山上有舜妻塚

水經注

張

公牧弘農日捕獲伐墓盜十餘輩中有一人請問云以他事贖
死因言盧氏縣南山堯女冢近亦爲人開發獲一大珠并玉盃
人亦不能計其直餘寶器極多世莫之識也公因遣吏按驗塚
果有開處旋獲其盜考訊與前通無異及牽引其徒皆稱在商
州治務中時商牧名鄉也州移牒公致書皆怒而不遣竊知者
云珠玉寶器皆入京師貴人家矣公前歲自京東出過盧氏後
問邑中具如所說然史傳及地理書並不載此塚且堯女舜妃
也死於湘嶺今豈傳說之誤歟矧茆茨土階不宜有厚葬事此
塚果何人哉

尚書故實

張尚書於堯女墓怪史傳蔑紀又謂從死

嶺不得在是且玉盃寶珠不協茆茨之事一時名流劉禹錫輩亦舉為疑余考舜子商均本曰義均見於山海經以其封商而謂商均商正今之商州按帝王世紀云虞舜二妃娥皇無子女英生商均今女英之塚在商則舜崩後隨子均於封所故卒葬焉又奚史傳之紀不紀哉

唐世紀錄

九子塚

在州東二十里

州冊

均在爬樓山與龍山相聯

州志

舜子

義均封於商號商均九子墓即義均與弟季釐等九人也

賈志

義

均封於商生九子卒葬爬樓山麓高原參差若星宿布列朝嵐

暮靄氣象萬千

李曰棟九塚詩序○按州志止曰均子而賈志云均與季釐等九人兩說互異俱存俟考

四皓墓

在州西三里有四塚塚前有廟廟中有古今碑刻詩文

今商洛舊縣西亦有四皓塚

馬志

四皓墓州西五里許傍金雞原

坐鹿蹟村高塚星羅陵前棟宇數楹中有四短碣分鐫四皓圖

古貌儼如

州志

地肺山四皓隱處亦名楚山塚

商南縣志

入商州過金

雞原謁四皓先生廟崇以邱壠蔭以叢木過商山之麓其纍纍

然者即在畎畝中離村籬烟火不十武而近

蘇濬四皓廟記○按十六國春秋前

涼張重華云長安亦有四皓墓但文章緣起云惠帝爲之立碑商山則葬長安之說悞也但今商州四皓墓有二一在州西三

里一在州東八十里商州鎮西未知孰是

董刺史溪墓

在萬安山

賈志

南太僕鏜墓

在州東三里

馮志

黃叅議世清墓

在州北金雞原

州志

崇禎十五年賊由宛鄧寇商

世清登陴堅守力竭援絕返衙坐堂上目僕人朱化鳳曰國而

忘家予之職也汝其去之鳳誓與主同死生賊入先殺化鳳化

鳳至死罵不絕口賊勸世清降不從遂殺之越五日賊去公面

如生商民收葬於城西北金鳳山之高原並瘞化鳳屍於世清

側王廷伊撰
忠烈傳

附疑 韓女墓在州東古層峰驛側文公貶潮時道亡葬此後文

公經此祭弔有詩州志○按昌黎集女已遷葬河陽則此其暫厝處不應尚有墓也

雒南縣

唐 真人韋善俊墓 在縣西南二十里縣志 藥子嶺唐真人韋善俊種

藥處也墓尚存縣志

元 宋平章欽墓 在縣東靈峪之西縣志

山陽縣

附疑 唐韓舍人會墓在山陽會唐起居舍人昌黎韓愈兄西安府志

○按唐書韓愈傳愈伯兄會貶官嶺表卒又懷慶府志會墓在孟縣西尹村韓氏祖塋婦鄭夫人合葬今云山陽有墓疑誤

商南縣

附疑 三國廉康太子墓在呂家灣世傳太子三國時人炎祚衰

徵據土僭號為關鎖所平

賈志○按廉康太子史無其人據云三國或劉氏諸藩之裔然史書不志

則傳訛傳會可知矣

同州

唐

祁國公王仁皎墓

在州西二十里羗白鎮西

州冊

仁皎元宗后父

封祁國公卒年六十九贈太尉益州大都督謚昭宣為治葬柩

行帝御望春亭過喪詔張說文其碑帝為題石

唐書本傳

其子駙馬

都尉守一請用竇謨例築墳高五丈一尺宋璟蘇頌以為準令

一品墳高一丈九尺其陪陵高出三丈上從之即此墳也御書

神道碑尚存字剝落

馬志

馮翊將軍墓

在州北二十五里

賈志

有碑不載其名氏

州志

宋

鄭知州驤墓

在州西二里

關中陵墓志

在金塔寺左

州志

元

贈安定伯蒙天祐墓

在義井邨西北

賈志

天祐贈安定郡伯有學

士蕭輿撰碑並書

州志

明王御史朴墓

在州北

賈志

馬運使祥墓

在三塚村東

賈志

趙副使繼爵墓

在小王村東子副使國良

州志

尚參政衡墓

在黃家莊東南

賈志

馬宮保珍墓

在馬坊村北萬曆二年勅葬子通判自勉孫尚寶

卿慥

州志

張觀察思靜墓

在北郭外

賈志

李知府從教墓

在西郭外

賈志

馬文莊自強墓

在州北二十里自強禮部尚書兼文淵閣大學

士謚文莊

馮志

在漢村鏹山之麓萬曆七年勅葬

州志

張太常養才墓

在小王村東北

州志

馬副使朴墓 在州南 賈志

王布政弘祖墓 在州西南 賈志

朝邑縣

唐禮部侍郎嚴謨墓 在縣西北一里 馮志 在長春故城西南隅有祠

馬志 善思名謨以字行同州朝邑人開元十六年卒 唐書本傳

白馬將軍扈鏐墓 在縣西北二十里白家鎮 縣冊 世次無考 朝邑後志

王侍郎由義墓 在長春宮西北 賈志

趙孝子良墓 弘治中沮水囓趙氏之墓墓崩有石曰皇慶二年

旌表孝子趙良 韓邦靖人物志

王侍郎良墓 在健兒村 賈志

奚知府敏墓 在廓明村良敏二墓百餘年不顯今始知之 續朝邑志

周通政或墓 在縣南沙底鄉僉事周道通判周瑄 縣志

楊布政恭墓 在西莊州志自鑱山而西西莊里爲楊布政恭墓續朝

邑志

李御史濟墓 在縣北懷恩里續朝
邑志

樊叅政冕墓 在縣北石村縣志

喬叅政誠墓 在縣東親賢里續朝
邑志

趙御史整墓 在樂豐里續朝
邑志

蕭通政斌墓 在縣東喜慶里續朝
邑志

蔚侍郎能墓 在朝邑縣西馮志在華原西天順中勅葬州志能吏員

至光祿寺卿禮部右侍郎有廉掾縣志

劉知府讓墓 在東屯續朝
邑志

上知縣志墓 在上官村北縣志

劉知府偉墓 在龍門村續朝
邑志

王郎中蚤墓 在洛之南泊里子僉事朝雍孫知府三省祔續朝邑志

韓按察紹宗墓 在南陽洪賈志洛以南南陽洪為韓公紹宗墓次

子叅議邦靖從葬焉王九思撰墓誌銘續朝邑志

楊寺丞珪墓 在縣西北二十里白冢鎮縣志珪太僕寺丞喜修廉

隅韓邦靖人物志

牛知府斗墓 在縣西華原北續朝邑志

韓恭簡邦奇墓 在朝邑縣西馮志在華原南嘉靖中勅葬州志

樊叅議得仁墓 在洛南北石村續朝邑志

段知府朝宗墓 在廉家庄續朝邑志

嚴御史天祥墓 在縣東南望仙觀續朝邑志

王郎中一治墓 在官庄村朝邑後志

王叅政學謨墓 在張家庄賈志從兄知府學古墓在通潤村從子

運使皞如墓在高城村

朝邑後志

雷御史士禎墓在新市鎮從弟知縣元善祔

朝邑後志

王按察嗣美墓在泊南從子布政于陞從孫知縣鑰俱祔

朝邑後志

井同知東星墓在留社村

朝邑後志

王侍郎之寀墓在趙期村

朝邑後志

李太僕朴墓在街子村

朝邑後志

張副使綸音墓在小伏坡子副使好奇祔

朝邑後志

李主事聯芳墓在留社村弟知州時芳知縣繼芳墓俱在焉

朝邑

後志天啟元年十二月葬公於沙苑北岡新塋

李標撰墓志

李叅政用中墓在范家莊

賈志

惠知府戶實墓在南社村

朝邑後志

雷通判大道墓在縣西原

朝邑後志

本朝王知縣報春墓 在平羅村朝邑後志

劉知縣壘墓 在故現村朝邑後志

張編修表墓 在倉西村朝邑後志

雷栢林于霖墓 葬於西原祖塋雷于霖自撰墓志

李河濱楷墓 附葬留社村父聯芳塋朝邑後志康熙九年閏二月卒

次年十二月葬邑北留社祖塋之右負離揖坎羅人琮撰墓志

王推官鈎墓 在新市鎮朝邑後志

張中書召南墓 在新莊村朝邑後志

附疑魏荀丞相墳在小荀里或云魏文侯庶子繁縣志○唐劉幽

求墓在縣東北五十里華原之麓金水之南或云非其真宅今

墓旁但有掘土者居民輒不安人甚異之朝邑後志按史幽求卒於

貶所此不得有墓續朝邑志

附迷漢司農丞景和墓在縣東南寺後社和成帝時人墓久湮

朝邑後志○孔縣令僖墓在故城南隅墓久廢縣志僖章帝時臨晉令

在縣三年卒官遺令即葬二子長彥季彥並十餘歲蒲坂令許

君然勸令返魯對曰今載柩而歸則違父令舍墓而去心所不

忍遂留華陰後漢書本傳

郃陽縣

元聖伊尹墓在秦莊縣志伊尹墓在郃陽縣為耕者所侵其峰頽

然雍勝畧郃陽故有伊尹墓為廟歲時祀之舊志稱縣南二十里

為莘國尹所耕處據朱晦菴詩傳註莘之在郃陽無疑明隆慶六年藥

夢熊碑孟子伊尹耕於有莘之野漢趙岐註在今同州郃陽邑之

新村舊名秦莊有伊尹墓其東有尹莊即尹生處今人猶傳生

尹莊葬秦莊之語乃心請於學使陸德元樹柏數十株立商元

聖故里碑於新村之孔道

康乃心行實。按括地志云夏陽村為莘野伊尹耕處是矣而後人聚訟

者甚多陳留縣有莘野門有莘墟嵩縣伊水南有空桑澗澗東有莘樂溝謂即耕莘樂道三使往聘之地史記殷本紀云帝沃

丁葬尹於亳皇覽水經注皆云尹墓在濟陰已氏平利鄉鶴林玉露伊尹墓在空桑北一里明一統志云尹墓在偃師縣西歸

德府城東穀熟店亦有尹墓杞縣志云尹墓在空桑澗伊尹村紛紛附會未見歸一要之聖賢流風所被入各引而親之亦秉

彛好德之公也伊尹墓祀於郛其來遠無可考葉華雲以為非出附會且趙岐之註孟朱子之傳詩俱極侃鑿則郛陽之墓自

信可傳

后妃太姒墓

在夏陽

賈志

夏陽村之東為夏陽故城一統志云城

內有太姒墓此夏陽乃唐析河陽置河西縣已而更名者其城

在今縣治東四十里水經注城南有漢水水南有文母廟

明馬朴同

州志

子夏墓

在縣東水經注云在石室西北

州志

水經注稱郛陽有子

夏陵夏陽川瀕河有子夏石室世代久遠記載范范

劉蔭樞子夏祠記

按山西通志河津縣西五里曰辛興村相傳有子夏墓又兗州府志曹州西三十里亦有子夏墓論者謂子夏設教西河以老當以河津爲是然晉省志又未如水經之古也

荆將軍軻墓 在縣東北三十里東偏有廟賈志長安志云藍田同

州郃陽俱有荆軻墓蓋凡三墓軻以匕首刺秦王後恐不得收葬而張茂先記荆軻字次非周日用云嘗經荆將軍墓與羊角

哀塚隣其地在苑陵之源羊角哀見列士傳左伯桃死角哀葬

之梁山下伯桃見夢曰與荆將軍墓隣每與戰困迫倘所謂荆

將軍別一軻耶關中陵墓志秦王殺軻於咸陽此不宜有墓意當時

民多怨秦快軻之事憐而收之故葬於此明葉夢熊荆軻墓說

荆軻墓在縣北三十里

漢項它墓 在縣東北三十里項村無考姑存之賈志○按史記項

伯名纏封射陽侯又有平臯侯名它陽郡長則此項它或即平臯侯也

任季兒墓

在縣東南四十里華里村

州志

季兒任延壽妻

縣志○事見列

女傳

李確墓

在縣東三十里宮城里確唐宗室也

賈志

爾朱達墓

在縣西北二十五里朱家河

賈志

戶部侍郎雷德驤墓

在縣北三十里其子秘書有隣太保有終

馮志

宋

安司諫儼墓

在縣西南四十里乾字村

縣志

儼字仲容西京武威

人宋太子右贊善大夫又為右司諫

馬志

楊宣撫永慶墓

在縣西南五十里馬村

賈志

楊業後舊有墓碑為

人竊去

縣志

岳

處士崧墓

在縣東北十五里

賈志

隆慶六年四月二十一日夜

夢有神告華雲子曰岳先生香火事次日有吏執掘岳墓者

之禁裏然
邵陽志

明范叅政燧墓 在范家窰西州志

本朝康莘野乃心墓 乃心康熙己卯鄉薦丁亥六月卒明年葬於

東小伏六村張大受撰墓志

附疑上古高辛氏陵在縣東南三十里有莘之夏陽賈志○按

覽路史九域志皆云帝辛葬頓邱即今清豐縣也又劉恕外紀註云在滑縣東北商邱縣志在城南高辛里歸德府志在睢州東北帝邱然考唐以仲春祀帝嚳於頓邱宋太祖開寶中詔祀帝王陵寢碑可考則歷代祀典俱在頓邱矣 ○唐王

伯當墓在永明州志○按伯當係李密之將本非邵人而劉仲城西有伯當故宅永明又有墓俱未詳所自又

開封府志封邱縣西北有伯當墓睢州亦有墓又武安縣西北沙明里亦有墓惟河南府志云王伯當墓在盧氏縣弘度南原李密叛唐伯當泣諫弗從及密死伯當伏屍而死土人以其忠於所事遂收葬焉其說差為可信

澄城縣

夏伯成子高墓 在縣東十里西下村塚高丈餘周圍三十步其上

古柏森然生棘無曲刺墓前有廟碑碣無存賈志墓前有廟三楹

內有袍笏像政和中重修有斷碑縣志

唐魏氏墓 在縣北大賢村相傳魏徵墓俗名海子陵按徵陪葬昭

陵此不應復有徵墓必徵之子孫也賈志墳中螭首碑數通豪家

利其地盡沒之嘉靖初人訟之官有司莫能究也縣志○按徵有賜莊於澄

子孫世居焉此墓為徵子孫之藏無疑

金師節婦墓 在縣南雷村莊墓表碑文進士王嘉猷撰縣志有司議

師氏貞潔足以激頽風端謹足以為婦則謹按謚法能固其所

守曰節請謚曰節上可其事仍命縣官致祭郭黻撰師節婦傳

明潘尚書友直墓 在縣北遮路村東墓田廣五十餘畝縣南鎮基

村有友直父墓有勅修碑賈志

雷御史恭墓 在縣西北三十里洛城村或云恭死葬戌所今止

有恭父清墓墓碑係廬陵曾祭撰縣志

韓給諫一良墓 在縣南西觀村賈志一良清貧不能舉後事惟封

土而已縣志

權濟墓 在縣西十里段莊社賈志

附疑晉佛圖澄墓在縣西郭賈志在西郭舊文廟南下俗傳為澄

藏骨處按神僧傳晉永和四年十二月八日澄寂於鄴宮寺窆

於臨漳西紫陌今此地云有澄墓未知是否張雲谷詩云不知

燼骨埋何地猶指宣尼廟下陵謂此墓也縣志○按十六國春秋後趙錄石虎建武

十四年冬十一月澄還寺遣人辭虎曰化期已及虎愴然自詣

寺慰諭先是建武十一年虎為澄造生墓於紫陌十二月戊子

卒以澄所服錫杖銀鉢置棺中葬之郭門吏報曰見澄携一履

去虎命掘冢惟有一履與一石而無尸據此則澄墓在臨漳此

疑誤

韓城縣

晉公孫杵臼墓程嬰墓

在縣西南保安村

馬志

韓城西南保安村

麓有巨塚三相傳為公孫杵臼程嬰趙武墓邑志載之何景明著雍大記止稱杵臼墓在韓城縣西南嬰墓在縣西南保安村獨不及趙武墓夫文子國君鼻祖必不從嬰杵而寔雍大記不載趙武者不為俗惑也

縣志

秦司馬靳墓

在縣西南華池秦主錢官司馬昌墓漢市長司馬無

澤漢五大夫司馬喜墓俱在高門

縣志

靳作斬

與武安君阮趙長

平軍還而與之俱賜死杜郵葬於華池靳孫昌昌為秦主錢官

昌生無澤無澤為漢市長無澤生喜喜為五大夫卒皆葬高門

史記太史公自序

高門華池在夏陽西城北漢陽太守殷濟精舍四里

所今高門東去華池三里

水經注

高門在邑西南三十里按太史

公自序司馬氏自晉入少梁錯以下至喜卒皆葬高門華池喜

生談談有子曰遷遷生龍門龍門指少梁也高門司馬冢累累而遷墓亦在高門東芝水之陰其為龍門少梁非龍門河津無疑矣

高門魏岫詩引○按史記註晉灼云華池在鄠縣誤

漢

太史公司馬遷墓

在韓城縣南二十里

馬志

司馬子長墓墓前有

廟廟前有碑永嘉四年漢陽太守殷濟瞻仰遺文大其功德遂建石室立碑樹柏太史公自叙曰遷生龍門是其墳墟所在矣

水經

注太史公墓漢司馬遷墓也在韓城縣南芝川鎮墓前有坡

因號司馬坡而建祠焉

雍勝畧

漢太史令司馬遷墓在芝川南嶺

上西枕梁山東臨大河氣勢雄濶古柏數十百皆蒼老如鐵懸於兩崖作蛟龍狀子長一冢巋然其巔祠壁石墨林立代有名作冢以石砌二柏出其上盤崛尤奇北望少梁曉烟殘照如圖畫然李太史子德句云尚餘古柏風霜苦空對長河日夜深其

大槩也邑令翟世祺築高臺砌以磚石層級而上勢入雲表題

曰河山之陽更為大觀冢漸圯縣令康行儻重修之手勒小碣

以記其守墓給田自郃陽丞葉司空夢熊始縣志永徽二年九月

余判同州夜靜坐於西廳若有若無猶夢猶醒見一女子高髻

盛妝泣謂余曰妾漢太史司馬遷之侍妾趙之平原人姓隨名

清娛瘞於長樂亭之西不揣人神之隔乞一言銘墓以垂不朽

余感寤銘之清遂良撰隨清娛墓誌按稗史隨清娛者司馬子長侍妾唐

褚公遂良刺同州清娛感夢於遂良具言始卒且云圖籍未載

世人莫有知者以公為文人求志其墓光揚幽懿遂良為之志

披同誌無之或為修志家所刪左懋第書太史墓垣碑記後

明王叅政盛墓 在蘇村賈志

馬副使永亨墓 在芝川鎮西州志

張尚書士佩墓 在芝川鎮西北

州志

衛中丞景瑗墓

在縣南

賈志

在衛家村西南一里

衛氏祖塋誌

薛相國國觀墓

在縣北

賈志

解中丞經傳墓

在城北

賈志

衛翰林欽墓

在龍門

賈志

本朝李知縣楓墓

楓康熙甲辰會魁二十七年戊辰八月卒葬韓

城縣東龍嶺塋即公所自卜

李因篤撰墓志

賈御史弘祚墓

弘祚順治丁亥進士卒於康熙三十三年六月

葬於韓城東原新塋

張廷樞撰墓志

子明經締芳墓葬相李村之先塋

高揆撰墓志

程知縣必昇墓

必昇順治乙未進士卒於康熙三十三年三月

明年膺月葬韓城西薛曲村之星宿坡

張可立撰墓志

吉舉人庚墓 庚以康熙甲午舉於鄉次年十月卒卜厝於韓城

東先塋 王養大撰墓志

劉巡撫蔭樞墓 蔭樞康熙丙辰進士卒於雍正癸卯九月諫吉

於雍正三年乙巳十一月寔於韓城譚馬村西北祖塋之次 相

國潢撰墓志

華州

周鄭桓公墓 在州西關路南 州志

唐贄叅軍抱墓 明嘉靖十四年州西梁家村原邊土人耕田得墓

隙入視無骨有誌銘石橫直俱一尺五寸曰贄抱墓蓋唐之鄭

縣人左武衛兵曹叅軍也稱其葬地爲安樂鄉之原稱其葬曰

爲天寶元年 州志

郭駙馬暖墓 在州西南山之巔 賈志暖汾陽王第五子尚昇平公

主墓在華州西南十里半山中關中陵墓志

四 東氏墓 在州西南原上賈志

郭太守瑾墓 在州西南賈志

石少叅祿墓 在州西五里賈志

張大叅潛墓 在州東五里山麓子之渠附賈志

孫太守鴻墓 在州東南賈志

郭通判山墓 在州東南賈志

王祭酒維禎墓 在州南郊外賈志

王主事堯弼墓 在州西南栲栳山麓賈志

孫教授玉墓 在州郊西南賈志

郭方伯性之墓 在州南十里賈志

孫給諫紹統墓 在州西南賈志

王方伯庭詩墓

在州南弟進士庭誨探花庭謨主事庭諫俱在

焉賈志

姬忠烈文引墓

在州西賈志

李郡丞燦然墓

在州北賈志

郭恤刑宗震墓

在州南弟徵士宗昌祔賈志

本朝張工部鯤翔墓

在州西賈志

附迷塚

唐宇文珽墓珽字救珉河南洛陽人永淳元年六月終於

華州之別業即以其年遷窆於鄭縣安樂鄉之西原

楊炯冥墓碑

○

御史大夫程行謀墓君名則字行謀世以字行門閭當華嶽之

峰碑闕倚桃林之塞遷自吾祖定成我居作簡人矣開元十四

載春之孟庚寅薨於洛陽之審政里第贈左丞相以貞為謚莫

春壬寅十朋啟塋雙表昭燿歸厝於鄭之少華原

蘇頌撰神道碑

○後

唐魏王繼岌墓繼岌伐蜀班師至渭南李環縊死之任園葬繼

岌於華州之西南

五代史唐家人傳

附疑漢東方朔墓在州西南二十里

馮志

墓在州西南小悌原北

東方村

州志

朔墓在山東陵縣顏魯公書碑華州西南十五里俗

名會東方謂有人會東方朔于此嘉靖間土人掘得一碣曰會

同坊訛為東方因云有朔墓耳

關中陵墓志

華陰縣

漢楊碩墓 在縣東十五里

州志

定遠侯班超墓 在華陰縣西二十里

馮志

班定遠墓在縣班莊村

官道傍

縣志○按河南府志班定遠墓在府城北邛山誤

楊太尉震墓 在縣東三十里楊氏漢多聞人邱墓不能悉考

縣志

後漢楊震改葬華陰潼亭先葬十日有大鳥丈餘集震墓前俯

仰悲鳴淚下沾地葬畢飛去時人立鳥象於墓前

白孔六帖

唐太宗

貞觀十一年行幸過漢太尉楊震墓傷以忠非命親為文以祭

之僕射房元齡進曰楊震雖當天枉數百年後方遇聖君傳興

駐蹕親降神作此文可謂雖死猶生沒而不朽

名臣奏議

關西夫子

墓漢楊震墓也在華陰縣東公莊村官道北

雍勝畧

震墓在潼關

衛城西七里漢書改葬潼亭即此

潼關衛志

縣東吊橋鋪北城內左

右共七家明萬曆初兵使蔡可教建享堂拓地三十四畝堂圯

本朝順治丙申副使湯斌重建

賈志

縣西五方村北前雙乳臺有楊氏

先塋墓存者蜿蜒十有八

州志

王猛墓

在華陰縣西三里

馮志

希夷先生陳搏墓

在華山希夷峽

賈志

搏隱華陰雲臺觀沒於張

超谷石室中遺骨為道士時出乞施嘉靖中直指姚一元葬之

玉泉院蘇志臯作記

關中陵墓志

明 郭少司馬良墓 在縣西北四里

州志

張通政璉墓 在縣東二里

縣志

雷太史霖墓 在縣東一里

縣志

曹方伯端墓 在縣西四十里

縣志

屈中丞直墓 在華陰縣西十五里直左副都御史

馮志

張郎中壽墓 在縣東南一里

賈志

趙知府儒墓 在縣北三十里渭北

賈志

陳郎中諫墓 在縣西北四里

賈志

楊侍御九澤墓 在縣東南四里

賈志

張同知啟墓 在縣東南三里

賈志

王僉都大受墓 在縣西北五里

賈志

張知縣毓翰墓

在縣東

賈志

楊光祿呈秀墓

在縣西三里

賈志

王侍郎之良墓

在縣西三里交龍菴側

賜祭葬有勅建坊

賈志

陳知州嗣虞墓

在縣北

賈志

楊知府應震墓

在縣東南

賈志

陳知縣可績墓

在縣西

賈志

郝知縣光顯墓

在縣西南

賈志

附疑

漢神醫華佗墓在縣西五里

馬志○按開封府志佗墓在項城蓋佗見殺於豫未必瘞

附迷

唐朝議大夫楊越墓越仙掌人高宗時朝議大夫薨遺令

附迷

薄葬不藏珠珍堯經一卷堯典一篇昭示後嗣不忘聖道即以

其年葬於西嶽習仙鄉登仙里西麓

陳子昂撰神道碑

○昌化王烏承

玳墓玳張掖人世以武功顯封昌化郡王葬華陰告平里韓愈

作碑今無考縣志○宋殿中丞侯可墓程明道先生志墓在鄉西

保德鄉先塋之次今無考縣志

蒲城縣

周賈大夫塚 在縣西南十八里賈曲鄉關中陵墓志左氏傳賈大夫惡

娶妻而美三年不言不笑御以如臯射雉獲之其妻始笑而言

杜預注曰今縣有賈城即古之賈國宋敏求長安志

唐睿宗橋陵 在蒲城縣西北三十里豐山馮志開元四年十月庚午

葬大聖真皇帝於橋陵唐書元宗本紀橋陵在京兆府奉先縣界文獻通考

豐山一名蘇愚山在蒲城縣西北三十里有唐睿宗橋陵雍勝畧

陵在縣北豐山周四十里前襟浩泉之水關中陵墓志陵前襟浩泉

今涸縣志肅明順聖皇后劉氏長壽二年為戶婢誣與竇德妃挾

豐道祝詛武后並殺之宮中葬秘莫知景雲元年追謚肅皇后

昭成順聖皇后竇氏生元宗與肅明同追謚並招魂葬東都之

南肅明曰惠陵后曰靖陵立別廟曰儀坤以享云帝崩追稱皇

太后與肅明祔橋陵唐書后妃列傳橋陵在蒲城宣化鄉積善村封內

四十里陪葬太子三惠莊太子陵在橋陵東南三里惠文太子

陵在東三里惠宣太子陵在東六里並栢城內公主三金仙梁

國郎國宋敏求長安志橋陵節愍太子重俊並宜城金城長寧成安安

定五公主祔賈志

元宗泰陵 在縣東北三十里金粟山懷仁鄉散母村封內七十

六里下宮去陵五里陪葬一高力士宋敏求長安志廣德元年三月辛

酉葬至道大聖大明孝皇帝於泰陵唐書代宗本紀元宗嘗謁橋陵至

金粟山觀岡巒有龍盤鳳翔之勢謂左右曰吾千秋後宜葬此

地寶應初追述先旨而置山陵焉

大唐新語

泰陵在京兆府奉先縣

界

文獻通考

金粟山在蒲城縣東北三十里有碎石若金粟然唐元

宗泰陵在其下

雍勝畧

泰陵碑記尚存

縣志

元獻皇后楊氏生肅宗

薨至德二載太上皇自蜀詔有司議尊稱遂上冊謚寶應求祔

泰陵

唐書后妃列傳

元宗幸蜀至馬嵬頓六軍不進大將軍陳元禮請

誅楊氏於是誅國忠賜貴妃自盡

舊唐書肅宗本紀

妃死瘞於西郭之

外一里許道北坎下

太真外傳

安祿山反帝幸馬嵬不得已與妃訣

引而去縊路祠下裹尸以紫茵瘞道側帝至自蜀道過其所使

祭之且詔改葬禮部侍郎李揆曰龍武將士以國忠負上速亂

為天下殺之今葬妃恐反仄自疑帝乃止密遣中使者具棺槨

宅葬焉

唐書后妃列傳○按馬嵬在今興平縣西三十里其密改葬地不傳故附於此

憲宗景陵

唐憲宗陝西蒲城縣祭

會典

在蒲城縣東北三十里金

幟山馮志元和十五年五月庚申葬聖神章武孝皇帝於景陵唐書

穆宗本紀景陵在京兆府奉先縣界文獻通考景陵在豐山陵南下宮有

宋重修廟碑橋陵秦陵光陵碑俱毀惟景陵有錄其全文者今

猶傳縣志在縣東北豐陽鄉封內四十里陪葬妃后三懿安郭太

后孝明鄭太后王賢妃宋敏求長安志陪葬惠昭太子寧賈志懿安皇后

郭氏生穆宗穆宗嗣位上尊號皇太后敬宗立號太皇太后宣

宗立后暴崩有司上尊謚葬景陵外園○孝明皇后鄭氏生宣

宗宣宗立尊為皇太后懿宗立尊后為太皇太后咸通六年崩

上謚冊葬景陵旁園唐書后妃列傳

穆宗光陵 在縣北二十里堯山西案嶺寧康鄉普濟延興二村

封內四十里下宮去陵五里陪葬后二恭僖王太后貞獻蕭太

后宋敏求長安志長慶四年十一月庚申葬睿聖文惠孝皇帝於光陵

唐書敬宗本紀光陵在京兆府奉先縣界文獻通考堯山有唐穆宗光陵宋

開寶間修葺諸陵廟立碑今毀關中陵墓志恭僖皇后王氏生敬宗

敬宗立尊為皇太后文宗時居義安殿曰義安太后會昌五年

崩有司上謚葬光陵東園唐書后妃列傳

寧王憲墓在蒲城縣北十五里馮志讓皇帝憲開元二十九年薨

追謚讓皇帝贈妃元為恭皇后葬橋陵旁號其墓曰惠陵唐書宗室

列傳其俗稱唐讓冢關中陵墓志在縣西北豐陽鄉胡村封內一十里

陪葬諸王三鄭王錫嗣寧王琳同安王珣公主三蔡國代國霍

國宋敏求長安志寧王子珣封同安郡王開元二十五年薨詔贈太子

少保陪葬橋陵舊唐書讓皇帝憲傳按賈志直書讓皇帝陵

法又鄭王錫賈志作鄭王筠考唐書寧王傳云子十九人而表只載十五人舊唐書寧王傳云子十人內並無鄭王錫

李將軍思訓墓在縣西十五里唐雲麾將軍有碑李邕書馬志明

正德中御史劉遠夫謫為蒲城簿訪出以錢束錮之

縣志

丞相魏謩墓

在蒲城縣南十五里謩文貞公徵五世孫

中陵墓志

太子司更呂才墓

在縣西南十五里宜安村北土人世傳云

續蒲

城志

五

竇沂公貞固墓

在蒲城縣北四十里

馬志

開寶二年病固自為

墓誌

宋史本傳

在縣北罕井固後有進士竇世昌昌後有竇郁皆葬

邑北祥村

賈志

六

寇忠愍祖墓

在縣南四十里可村

續蒲城志

在渭南縣北棠村里仕

原之麓蓋準初生地也

賈志按下邳相傳有寇忠愍墓原屬

其地指碑號為古塚祇存地畝餘矣但考河南府志云準墓在

縣引詔許歸葬西京之語又準墓在縣西南孝義堡

地名寇家灣實宋史本傳歸葬西京相符則墓

周總管貴墓

在縣西貴係駙馬都總管

賈志

金都元帥周進成都御史周璣墓 俱在縣西賈志

張防禦建墓 在縣西三里有碑剥落馬志

段御史繼昌墓 在縣東八里賈志

元王義民理墓 在縣東北三十里韋村以七世同居勅旌賈志延祐

天曆兩旌其門先塋二頃有歐陽元碑銘危素書縣志

薛樞密祿墓 在縣西南宜安村續蒲城志

明趙文學晉墓 在韋村子尚書端祔賈志

姚春坊哲墓 在城南四十里賈志

關員外魯森墓 在東郊外賈志

馬博士巨江墓 在城北二十里縣志

王太常勉墓 在城東南三里賈志

李御史松墓 在南郊外賈志

王叅政臣墓

在城南五里

賈志

魏御史秉墓

在縣南四十里裔孫主事運開祔

縣志

屈給諫銓墓

在城西五里弟知府鉞曾孫知府燦祔

賈志

姜御史實墓

在城西五里

賈志

雷行人雨墓

在城南五里

賈志

韓知府坤墓

在北郊

縣志

原員外案墓

在西郊外

賈志

忽知府鳴墓

在城西十五里

賈志

張叅政稽古墓

在城西十五里

賈志

楊主事體仁墓

在城東北二里

縣志

米郎中助墓

在東郊外

賈志

王副使元命墓

在城南七里

縣志

楊郎中應宿墓 在城北二里

賈志

李太保應策墓 在縣東北十五里谿頭

賈志

常郎中澄墓 在南郊外

縣志

屈通政灼墓 在城北二十里重山後

賈志

閔知府顧行墓 在縣西四十里

縣志

樊中丞東謨墓 在縣南十里

賈志

本朝原侍郎毓宗墓 在東門外相原府村南

縣志

李提學馥蒸墓 在縣南二里

續蒲城志

許總兵占魁墓 在縣西南三十里

續蒲城志

米御史襄墓 在縣東南五里

續蒲城志

王提學諒墓 在縣北二十五里

續蒲城志

附疑 魏太尉鄧艾墓在縣東北七十里

馬志。按蜀綿州志亦有鄧艾墓鍾會既以逆

誅則艾應有返葬之典不必
仍在蜀也但無可徵信耳

附迷

唐胡珣墓珣葬京兆奉先夫人天水趙氏祔焉

韓愈撰蒲神道碑

城縣胡珣神道碑韓文公撰胡証書在尉廐支槽近置天子廟

訪墳不獲矣

江鄰幾雜志

潼關縣

上古

女媧氏風陵

在城北黃河中

縣志

關之直北隄河有層阜巍然

獨秀孤峙河陽世謂之風陵戴延之所謂風埽者也風埽御覽

作風堆又引戴延之西征記云伏羲女媧風姓也此當是女媧

之墓九域志云女媧墓在今潼關口河灘上屹然介河有木數

株雖暴漲不漂沒也寰宇記云河東縣三里風陵是女媧之墓

水經

潼關口河灘上有樹數株雖水暴漲亦不漂没人號爲女

媧墓天寶十三年五月內因大風吹失所在乾元二年六月號

州刺史王晉光上言今月一日河上側近忽聞風雷曉見墳涌

出上有雙柳樹下有巨石各高丈餘唐曆關北大河中有灘出水

可三二尺灘上一樹古老相傳云本女媧墓女媧煉石補天缺

斷鰲立地維故墓在大河中水高與高水下與下蓋神之所扶

持也立祠於岸載在祀典天寶十三載秋霖一百日河水泛濫

其灘遂被冲沒至今無跡乃知向說皆謬耳唐陸長源女媧氏

其神居於栗席之野是為風陵堆乾元中刺史奏閩鄉墳天寶

十三載天雨晦冥俄失所在至是河房風雷夜聲黎明視之其

墳涌出復夾兩柳樹肅宗命祝史祠焉乾德四年詔置守陵五

戶春穠少牢史路在潼關東門外黃河北岸或曰黃帝相風后墓

關中陵墓志○按平陽府志趙城東有媧皇陵兖州府志濟寧

州東南有女媧陵而潼關之風陵則自唐稱祀典宋置守戶其

事確鑿可據長源所云冲沒無跡或神靈之隱見有時耶

隋觀德王雄墓

在城西十里雄隋宗室有唐中書侍郎岑文本碑

今碎

縣志

舒綽善相冢吏部侍郎楊恭仁欲改葬觀王綽定一土

堪葬曰此所擬處深五尺之外有五穀若得一穀即是福地公侯世世不絕恭仁即將綽向處令人掘深七尺得一穴如五石

甕大有粟七八斗

朝野僉載

唐

楊思訓墓

在城西五里

縣志

明

張指揮潛墓關指揮鍵墓

俱在潼關東十里潛鍵俱明正德八

年陣亡

縣志

盛指揮德墓

在城西五里德本衛指揮嘉靖二十九年戰歿贈

輕車都尉

縣志

盛文定訥墓

在關東五里知縣訥

賈志

葛叅政大紀墓

在城南

縣志

盛尚書以弘墓 在城東賈志

孫給諫振基墓 在城東子侍郎必顯賈志

張大理惟任墓 在關南原縣志

王尚書之臣墓 在關北焦家莊縣志

盛副使以恒墓 在城東南賈志

張指揮爾猷墓 在城西十里爾猷係崇禎十六年殉節縣志

耀州

漢 祓祠令塚 在州東一里祓祠廟南令失姓名有遺愛故祀塚即

其葬處州志

北周 大將軍令狐整墓 在州西北三里有碑賈志

隋 鴻臚卿令狐熙墓 在州西北三里有碑州志

唐 柳元公公綽墓 在耀州西北四十里其弟公權墓亦在焉馮志

北四十里柳家原有二墓

關中陵墓志云。按賈志藍田縣志俱云公權墓在藍田縣東三里柳莊然

馬馮兩志及府志俱云在耀意其兄弟友恭成性瑩兆同處理或然也

彭城縣公令狐德棻墓

在州西北三里有碑

州志

令狐丞相楚墓令狐丞相綯墓

在州西北五里楚本州人唐憲

宗時為相卒葬於此綯楚之子

馬志

楚疾甚勅諸子曰吾生無益

於時無請謚勿求鼓吹以布車一乘葬銘誌無擇高位是夕有

大星竇寢上其光燭庭

唐書令狐楚傳

明石員外慶墓

在沮西開家坡

賈志

成翰林敬墓

在州東落星原

州志

子吏科都給事中凱從葬有勅

修墳碑

賈志

楊知府理墓

在落星原下馬堰

州志

張侍郎鈞墓

在西乳山下

賈志

張侍郎璉墓

在耀州西北十里璉戶部侍郎

馮志

子訓導蒙著長

史蒙啟從葬

州志

左僉事經墓

在州西五里唐家原有碑

賈志

南一里即其子吏部

員外思忠墓

州志

喬主事仲節墓

在小邱北子副使世寧祔

賈志

高祖諱剛號後院

公生二子長諱志玉號高年公生一子諱仲節以先大夫貴封

南京戶部廣西司主事生二子長即先大夫諱世寧歷官四川

按察使贈通議大夫余家耀州義門鄉之小邱村故自後院公

而下迄通議公咸葬小邱村北先塋

遠志堂集

王文肅圖墓

在牛村

賈志

附疑

周公治長墓在故華原縣北然無碑舊志亦云傳疑

賈志按

史記注張華曰公治長墓在城陽姑幕城東南五里又青州府志云公治長墓在諸城縣西四十里應以史記註為是

同官縣

秦孟姜女墓

在同官縣北三里

馮志

女回山在同官縣北三里按通

志孟姜女至長城尋夫而回卒於山下遂葬焉故曰女回山

勝雍

畧

秦始皇時姜女者楚澧人范郎妻也歸三日而范郎赴長城

之役其後殯寒衣至城所尋問范郎已埋版築中矣女乃遶城

哭城隅為隳隳所范郎見像女即其處求骸骸多不可辨乃啗

指出血滴骸入骨不可拭知為夫骸遂負之由君子濟渡經雕

陰而奔夫長白其事主將命追之女至宜君山同官界所登山

渴甚痛哭地湧甘泉今其地名曰哭泉時女倦甚不能奔而追

將及忽山峰轉移若無徑然追者乃返女至同官水灣筋力竭

矣知不能返澧乃負骸置西巖石龕下坐於傍而逝同官人即

其遺骸處塑像祠之

馬理姜女祠詩序

都尉鍾陞墓

在縣西北神水鄉崔家堡有碑

賈志碑為耕者沒其

半其存者載為元大德四年間也墓前有石人一石虎三石羊

二縣志

明馮僉事寧墓

在縣東四十里地曰南神鵝

州志

雷御史雨墓

在縣東二十里

賈志

附疑

唐單雄信墓在故縣村開福寺側一里許無碑有石羊一

亦毀其半

州志。按唐書單雄信傳雄信曹州濟陰人東都平

取

白水縣

上古

史皇氏倉頡墓

在白水縣東北七十里

馮志

史皇氏終葬衙之

利鄉亭南

路史

皇覽曰墳高六尺

路史注

倉頡塚方輿勝覽有數處

當以關中馮翊今耀州者為是按皇覽云有倉頡冢在利陽亭

南高六丈又聞人牟準作衛覬碑文云倉頡冢碑大篆書在左

馮翊利陽亭南道旁覬金針八分書也

丹船總錄。按明一統志謂倉頡墓在南樂縣

西者以廟為證古聖賢廟遍天下未足以為據也河南通志謂在開封府城東山東通志謂在壽光縣治西者皆以其地有利鄉悞耳不知路史固確指衙之利鄉亭也至鳳翔志謂在岐山縣南五里倉頡廟東而曰石獸石柱猶存此直是漢魏後古塚耳明一統志謂在白水縣東北八十里考嘉靖癸丑築白水東北新城增廣五里城闢而東故里數加近也

漢

杜康墓

在縣西十五里

賈志

言康能造酒今墓側尚有遺槽

縣志

雷公祥墓

在縣東十五里雷祥村

縣志

祥能醫善陶所造磁器精

工絕人世所謂雷公器是祥生而正直歿而為神縣東雷祥村

即神家廟地昔人嘗見曳杖於阡陌間鬚眉如霜素冠蒼衣今

廟前蓋宛其象云

元鄉進士潘翹修雷公廟記

明

裴侍郎墓

在縣東北十一里

州志

侯御史恂墓

在縣北子僉事自明祔

賈志

附疑 郭孝子巨墓舊志謂在縣西二十里鳳莊縣志○按巨於白水既非土著

其流寓又無所徵考明一統志懷慶府城北有巨墓彰德府志林縣姚村亦有巨墓村南有埋子莊其家有碑括地志曰濟州有郭巨墓濟南府志漢孝子郭巨墓在肥城縣西北六十里青州府志蒙陰軋山在城東北九十里山之陽為郭巨墓考孝子傳稱巨河內人林縣舊隸河南則林縣為近諸墓皆未敢信也

附迷 周秦獻公墓史記載獻公死葬衙出子亦葬衙今失其處

賈志○唐平原郡公員半千墓半千齊州全節人睿宗初表丐骸

骨有詔聽朝朔望開元九年遊堯山沮水間愛其地遂定居卒

年九十乃即葬焉吏民哭野中唐書本傳嘉祐雜志載白水縣民得

員半千墓志云十八代祖凝自宋入魏以其雅似伍員遂賜姓

員考唐書本傳其先彭城劉氏十世祖凝之事宋及齊受禪奔

元魏以忠烈自比伍員因自姓員史與碑不同如此野客叢談

乾州

唐高宗乾陵

在乾州西北五里梁山

馮志

文明元年八月庚寅葬天

皇大帝於乾陵

唐書武后本紀

乾陵在京兆府奉天縣界

文獻通考

文明元

年析醴泉始平好時武功邠州之永壽五縣地置奉天縣奉乾

陵

唐書地理志

神龍二年五月庚申葬則天大聖皇后

中宗本紀

武后崩

將合葬乾陵給事中嚴謨言曰尊者先葬卑者不得入今啟乾

陵是以卑動尊術家所忌且元闕石門冶金錮隙非攻鑿不能

開神道幽靜多所驚黷若別開隧以入其中即往昔葬時神位

前定更且有害曩營乾陵國有大難易姓建國二十餘年今又

營之難且復生合葬非古也況事有不安豈足循據漢世皇后

別起陵墓魏晉始合葬漢積祀四百魏晉祚率不長亦其驗也

今若更擇吉地附近乾陵取從葬之義神有知無所不通若其

無知合亦何益山川精氣上爲列星葬得其所則神安而後嗣

昌失其宜則神危而後嗣損願割私愛使社稷長久中宗不納

唐書嚴在奉天縣西北五里梁山鄉丈八青仁控子三村界周

八十里有于闐國所進無字碑宋敏求長安志唐諸陵皆無碑記惟乾

陵西南隅有大碑高三十餘尺螭首龜趺巋然表裏無一字珍

船乾陵在梁山乾陵署在乾陵下二里許遺址尚存土人謂之

看墳司州舊志按文獻通考陪葬乾陵者章懷太子賢懿德太子

重潤澤王上金許王素節邠王守禮并義陽新都永泰安興四

公主特進王及善中書令薛元超特進劉審禮尚書左僕射盧

欽望唐書作豆盧欽望通考無豆字悞左僕射楊再思左僕射劉仁軌左衛將

軍李謹行左武衛將軍高侃其碑址俱無存州志正德乙巳遊梁

山山在郡城西北唐高宗武后葬是名乾陵陵正南兩峯對峙

上表雙闕曰朱雀門內列石器首華表二次飛龍馬二朱雀二

馬十匹伏劍者二十人次二碑東碑無文間刻前人題名西碑文曰述聖記后自製也碑製四方如局俗曰七節碑今仆矣次雙闕陵之內城門也大獅二南向左右列諸番酋像左之數二十有八右之數三十仆豎相半背有刻皆剝落不可讀論者謂高宗之葬諸番酋來助者甚衆武后不知太宗之餘威遺烈乃欲張大其事刻之以誇耀後世是也復北行抵後山下並麓而西曰白虎門北曰元武東曰青龍皆表雙闕樹石器于是復抵朱雀門將尋臨川上仙之跡而弔之遂憇闕下削苔讀碑

乾陵記

宋廷佐遊

僖宗靖陵

在乾州東北十五里

馮志

文德元年十月辛卯葬惠聖

恭安孝皇帝於靖陵

唐書昭宗本紀

靖陵在京兆府奉天縣界

文獻通考

在

奉天縣東北一十五里岑陽鄉雞子堆封內四十里下宮去陵

五里與乾隣相接隔豹谷

宋敏求長安志

狄梁公仁傑墓 在乾陵下

馮志

舊志未載據東郡祁伯裕編關中

陵墓志云狄梁公葬乾州北門外五里許當乾陵東知州楊殿

元查合

州志○按河南通志洛陽金墉城及孟津縣西俱有梁公墓而本傳不載葬所但梁公有轉日回天之力以功

名始終應得陪葬似當以乾陵者為是

術士桑道茂墓 在州南道茂有神術後隨德宗出幸死於是葬

焉

馬志

在南門外有神道碑

關中陵墓志

楊掾史振墓 在州東南十里子奐名儒官至學士號紫陽先生

與父振葬同處

馬志

貞祐三年三月十五日終於華嚴里以明年

正月七日葬公於州南小劉村新塋城南翁墓次三夫人祔焉

元好問撰楊振墓碑

病革勅無以齋醮貽識者笑實乙卯歲九月之一日

也後五十七日遂葬於劉村先塋之次夫人陳氏劉氏祔焉

元好

問撰楊
負墓碑

宋尚書欽墓 在乾州南欽南京大理寺卿贈刑部尚書馮公致志

仕家居十有三年弘治己未七月訃聞上特贈刑部尚書差進

士李光翰造墳安葬卜地於乾城西南而造焉踰年始成王恕撰神

道碑

常御史宗善墓 在新村里自庚戌登進士為行人拜御史踰一

紀然為人素清苦所至冰蘖著聲故卒之日幾不能具棺斂常

氏世家乾州葬本州新村里先塋之次王九思撰墓誌

附疑 殷姐已墓 奉天縣西五里莫谷西半崖坡內宋敏求長安志○按姐已

斬首朝歌無因移葬陝地墓疑誤

附迷 北周宇文陵 在好時縣東一十五里○吳妃陵在好時縣

西北二十里明月山下宋敏求長安志○按宇文陵未詳北周何人之陵吳妃陵亦未詳何代妃

陵並存
以備考

武功縣



姜嫄墓

在武功南門外南去三百六十步又西四十步武功

古豳國也或云葬邠非是

關中陵墓志云按明一統志墓在聞喜縣西誤



蘇典屬國武墓

在守節鄉

馬志

郡國志武冢在好時縣東三十里

按長安志好時縣不常所置漢縣在奉天界今在乾州東七里

晉縣在舊縣南二里唐縣在州西北六里宋元同之今併入永

壽則武墓在武功縣東三十里守節鄉者近是韓城亦有武墓

非

關中陵墓志

子卿墓在韓城西北五里姚莊村梁山之麓因有墓

名蘇山焉邑有常祀余爲令具羊豕拜其墓麓多柏枝咸南向

或曰武功亦有墓韓人常與之爭噫君子之忠草木且爲之徵

如此而謂人心能棄之歟墓稍南面東有祠惟垣頽欲新之始

乙亥春至丁丑春垣成余往落其八十老人為余言童時記古

墓在今墓下烈風雨墓開日出此地常有雲氣土人異之就視

見白骨有碣為漢蘇子卿墓土人遷之上磚封墓立祠焉祠類

戴令新之問其碣則封墓中

左懋第新蘇子卿墓垣記

蘇武墓在蘇山有柏

三百餘株枝皆南向墓前有石碣一題為漢蘇子卿墓按子卿

武功人今京兆有墓而此地傳有墓立祠今山下諸村多蘇姓

豈其裔耶古人遠觀葬無定所往往有然

韓城縣志○按子卿墓武功韓城兩地俱

有但蘇氏自漢及唐世居武功又馬馮兩志俱收武功而闕韓城故附見於此

李淳風母墓 在縣南十五里寺內觀音洞後世傳淳風葬母時

占云葬後三日當有天子來及期太宗果以校獵至其所

縣志

唐

蘇相國瓌墓

在武功縣西南博村

賈志

許公瓌景雲元年十一月

葬於武功碑隸書剝蝕過半考文苑英華盧藏用撰序張說撰

銘今碑後猶有范陽張說字石墨鑄華

蘇許公頤墓 在武功縣西南十五里新寨南有神道碑張說撰

關中陵墓志 在義門鄉與蘇武冢相接今官道旁有古碑存焉馬志

宋 衛尉少卿游師雄墓 在武功縣西八里馬志游師雄墓志張舜民

撰書者為邵鰲清圓秀勁大足名家石墨鑄華在王宅村西原上今

碑與華表俱失縣志

明 康尚書汝楫墓 在武功縣西汝楫刑部侍郎贈工部尚書馬志

馬文簡京墓 在武功縣西北京刑部侍郎贈少傅禮部尚書謚

文簡馬志

康狀元海墓 在縣西賈志子栗葬澣西祖塋烈婦楊氏祔王九思撰墓志

在縣南澣西莊南隅原下左漳右漆有呂涇野王漢陂碑記縣志

張寺丞鑄墓 在北山之陽按察張國彥撰墓誌縣志

附迷北周瑯琊公司馬裔墓裔河內溫人封瑯琊公天和六年

正月亡以建德元年七月葬於武功郡三時原庾信撰墓志○唐殤

帝陵在縣西原上宋敏求長安志○定襄王郭英乂墓永泰元年十有

二月定襄王薨於靈池兵故也大曆三年正月詔葬於武功之

先塋夫人龐氏同祔嗣子嘉珍飾櫬蜀門歸魂秦隴以載職在

史臣琢石請詞元載撰神道碑

永壽縣

漢太中大夫陸賈墓 在永壽縣西南五十里馮志

唐代國忠公安金藏墓 在安家空賈志

七女墓 在縣東南永康里賈志永康里高岡山有七冢不知何時

人縣志

邠州

邠公劉墓 在邠州東八十里馮志在州東土陵村賈志公劉葬州

東八十里四山屏合羣峰揖拱墓長三里許北枕山谷南控涇

水州志

漢公孫丞相賀墓 在州西南三十里孫村賈志按關中陵墓志今慶陽府亦有賀墓

晉前秦苻堅墓 在邠州西南二十里馮志初長安之將敗也堅中壘

將軍徐嵩屯騎校尉胡定各聚眾五千據險築堡以自固及

害堅嵩等以王禮葬堅於二堡之間十六國春秋前秦錄先兵有謠云河

水清荷詔死新城堅聞惡之語軍侯曰地名新城避之至是為

姚萇所殺於新平城遂葬焉元和志墓在新平廢縣距州二十餘

里橫廣而縱狹履之只如田畔張金度苻堅墓詩序

宋戶部尚書陶穀墓 在邠州西三里子邠馮志

史天常墓 在州東十里司空山賈志

明趙侍郎倫墓

在州西北三十里小村原

賈志

閻侍郎本墓

在邠州西南五十里本戶部侍郎

馮志

劉尚書昭墓

在邠州西五里昭工部尚書

馮志

閻知府讓墓

在州東三里鳳凰山下

賈志

三水縣

秦扶蘇二女墓

在縣東北六十里

賈志

兩女若去邑七十里地勢高

聳南望平衍如列足下麓有兩塚存焉舊傳秦扶蘇二女卜葬

於此

縣志

唐潞國公侯君集墓

在縣東北雞阜山

州志

雞阜山在邑東里許舊

縣城址在其前盤迴如螺突聳若壁俯視邑隍侯君集之塚當

其麓

縣志

馬沼墓

在邑東北十里其墓誌因崩而出居民毀之

縣志

范制置使祥墓 在太慈村賈志祥墓在縣南原太慈村子侍郎育

祔焉二塚相望舊碑巋然縣志

第五均墓 在魏落村賈志在邑西三十里蒲東舍之間按第五氏

墓表云先世出齊田橫之後諸田徙園陵者多故以次第為氏

舊雲陽靖川人後徙三水子孫因以為家焉縣志云按邠州志云第五倫墓非也

倫墓在涇陽

五女塚 與第五氏墓相比第五氏元祐間墓碑在其壙內未審

何故縣志

文御史振墓 在縣北半川賈志

文郎中在中墓 在半川文林賈志文少白墳在縣北文林左環白

石嶺右邏東澗河縣志

文叅議運熙墓 在南宮賈志在半川之東南二里縣志

文庶常在茲墓 在縣北雞紅嶺下附父學正運開側賈志

文知縣毓鳳墓 在縣西二里森園賈志

本朝劉總兵偁墓 在縣西蒲泉舍偁滇南總兵水西之難戰歿康

熙十年

賜祭葬建塋立碑以旌忠節縣志

淳化縣

漢鉤弋夫人墓 在縣北三十里即雲陵賈志鉤弋趙婕妤昭帝母也

從幸甘泉有過見譴以憂死因葬雲陽昭帝即位追尊為皇太

后發卒二萬人起雲陵邑三千戶漢書外戚傳夫人死雲陽宮暴風

揚塵百姓感傷使者夜持棺往葬之封識其處史記外戚世家正義曰

括地志云雲陽陵鉤弋夫人陵也在雲陽縣西北五十八里史記

注陵在雲陽甘泉宮南今人呼為女陵三輔黃圖初鉤弋夫人譴死

既殯屍不臭而香聞十餘里因葬雲陵上哀悼之又疑其非常人乃發塚開視棺空無屍惟雙履存一云昭帝即位改葬之棺空無屍惟絲履存焉搜神記昭帝發卒二萬築陵號雲陵自漢始

元訖今一千七百六十餘年遺塚巍然俗呼大圪塔縣志

明羅御史廷繡墓 在縣北十五里又知府奎墓在縣北五里賈志

本朝韓遊擊壘聖墓 在縣北三十里壘聖郎陽守備康熙十七年

勦竹房賊死節贈遊擊縣志

附疑上古少昊陵少昊金天氏葬雲陽縣志○按路史少昊葬雲陽註云在茶陵之露

水鄉攸縣界又劉恕外紀注云雲陽山名在曲阜縣兗州府志少昊陵在曲阜東北八里是雲陽之在茶陵曲阜二處雖無定

論要非淳化之雲陽也

附迷唐楊員外郎令一墓令一仙掌人十九舉進士高第太中

大夫檢校天官員外郎聖曆元年六月卒粵乙卯假葬於合宮

縣平樂鄉之北阜郭門十里邛山西岡巒萬古之阡都邑九重

之地隧寄新壠魂懷故域

張說撰
墓碑

長武縣

牛丞相弘墓

在長武縣東北四十里

馮志

張知府確墓

在長武縣南二十里

馮志

宣和七年徙官隆德知府

死金難贈述古殿學士

縣志

鄜州

明劉節婦墓

在鄜州南五里

延安府志

齊舉人國儒墓

在州北蓮花池上

延安府志

附疑

唐杜工部甫墓在州三川驛西三百步鄜州舊志所載如

此按子美本傳唐大曆中子美出瞿塘下江陵沔沅湘以登衡
州因客耒陽海嶽祠大水遽至涉旬不得食縣令具舟迎之乃

得還令饋牛炙白酒大醉一夕卒劉斧拾遺小記謂子美由蜀

往來得以詩酒自適一日過江上舟中飲醉不能復歸宿酒家

是夕江水暴漲子美為驚湍漂沉其尸不知落於何處元宗還

南內思子美詔求之聶令乃積空土於江上曰子美為白酒牛

炙脹飲而死葬於此矣以此聞元宗故唐史因有白酒牛炙大

醉一夕卒之語信哉史氏之誣也此鄜州安得有墓乎馬志秘書

郎喬中山云自東曹掾出使延安道出鄜州土人傳有杜少陵

骨在石中者因往觀之石在州市色青質堅樹于道旁中有人

骨一具趺坐若自成者與石俱化以佩刀削之真人骨也緯畧按

元稹作子美墓誌云子美旅殯岳陽其孫嗣業啟子美柩柎於偃師偃師志云甫墓在土樓村而鄭刑部文寶謫官衡州有經

未陽杜子美墓詩今湖廣通志亦云甫墓在耒陽城外化龍橋豈但為誌而不克遷抑已遷而故塚仍存耶要之鄜無杜墓緯

畧之說尤為不經未足深辨○馬將軍慥墓在城西北十里古名將或云馬

援之後有碑剥落世次莫考州志

洛川縣

明 劉給諫琦墓 在縣北賈志大石山縣北十里上有劉光祿塋縣志按

琦以直諫謫戍召還卒贈光祿卿

本朝 劉郎中紘墓 在縣北十里延安府志

中部縣

上古 黃帝橋陵 陝西中部縣界會典黃帝葬橋山史記五帝本紀在上郡橋

山皇覽元封元年帝北巡朔方還祭黃帝於橋山漢武故事橋陵在延

安府中部縣漢武帝臨祭橋山曰吾聞黃帝不死有塚何也或

對曰帝乘龍升天群臣葬其衣冠劍履於此潛確類書大曆四年四

月鄜坊等州節度使臧希讓上言坊州有軒轅皇帝陵闕請置

廟四時享祭列於祀典從之冊府元龜橋山在中部縣東北二里其

山形如橋沮水環遶之即黃帝葬衣冠之所史記曰黃帝鑄鼎
於荆山鼎成而帝崩葬於橋山在中部縣城北橋山周圍城塹
五里餘樹栢萬餘株橫順成行參天傲日數百里外望之猶有
烟霞霏微青翠玲瓏之狀舊傳黃帝騎龍升天其臣左徹感恩
取其衣冠几杖而廟祀之出於秦皇漢武時方士之說固不足
信至謂葬衣冠於此者乃臣子不忍直言葬黃帝故曰葬衣冠
猶稱君薨曰晏駕也漢書地理志云上郡陽周縣橋山南有黃
帝塚塚前即漢武祈仙臺○橋山在上郡陽周黃帝葬衣冠處
漢武帝元封元年巡狩還祀黃帝於上郡陽周今中部縣地與
徵寧相去三百餘里土壤相接徵寧之地既無橋山舊志傳徵
寧有橋山黃帝塚非也雍勝畧。按讀史折衷軒轅陵在橋山
之又思元注云黃帝葬西海橋山地志亦謂山有黃帝冢明一
統志云軒轅壽陵在曲阜縣東北二里畿輔志云軒轅陵在平

谷縣東北十五里漁子山下閩鄉志軒轅陵在縣南十里鑄鼎
原此正山海經註所謂聖人久於其位至於殂亡四海思哀絕
域殊俗各自立位而祭起土為墳者也然
歷代祭典皆主此故當以中部者為定

狄將軍青墓 在縣西黃花峪懸巖石峒有石棺在焉相傳為狄

青洞賈志

楊侍郎詣墓 在縣東三十里賈志

劉安撫宣墓 在縣東三十里堯漢村有古碑宣廊坊安撫使縣志

劉萬戶侯墓 在縣北六十里原村古碑猶存賈志

東垣先生李杲墓 在縣東北四十里附其祖元帥明安答兒墓

有碑縣志杲字東垣精岐黃學者稱東垣先生元史本傳

王孝子克己墓 在縣北回軍嶺克己事母孝母卒廬墓元末紅

巾賊至聞其孝引去因名其地曰回軍嶺縣志

韓給諫規墓 在縣北十五里賈志

紀善舉墓 在縣北隆坊原

賈志

劉中丞聰墓 在縣西十里子主事佐舉人侃仁祔

縣志

劉知州璋墓 在縣北六十里呂柟撰墓表

賈志

劉太僕仕墓 在縣東南三里弟典膳倬墓在縣北二里長史儒

墓在縣北五里

縣志

劉知州爾完墓 在縣城西盧家川山上

賈志

劉僉事裡墓 在縣西十里

賈志

朱忠烈新堞墓 山西汾陽人中部知縣崇禎十六年與妻女闔

門死難邑人合葬之於縣北社稷壇側有碑

縣志

宜君縣

褒國公段志元墓 在縣東南三十里

延安府志

寇萊公父母墓 在縣西南八十里賈村世傳寇萊公父母曾寓

居於此一夕遙見室火人往救無火而準生焉其後父母葬此

有石獸存

賈志

明

張同知士奇墓

在縣南

延安府志

張主事應辰墓

在縣東南

延安府志

附疑 商彭祖墓在縣北三十里彭村

賈志。按宛委餘篇及水經注俱言彭城縣為彭祖

國城東北有彭祖冢河南通志彭祖墓在鄆陵縣北濟南府志古彭祖錢鏗墓在陽信縣西南而列仙傳諸書又言彭祖為殷王所忌西入流沙不知所終諸說不一然宜君墓別無徵信故屬可疑

綏德州

太子扶蘇塚 在綏德州治北

馮志

始皇使長子扶蘇北監蒙恬於

上郡始皇崩趙高與胡亥丞相斯詐為詔書賜扶蘇死

史記本紀

紀 始皇二十餘子之中最賢者莫如扶蘇即其坑儒一諫排崇

孔子及得遺詔尚擁兵三十萬以父命不敢拒遂入內舍自殺

子以為恭世子後一人而已今數千年後扶蘇之墓巍然獨存

於綏德州治之北山豈非儒者之效與譚吉璉吊雕山之巔扶

蘇塚在焉時有白虹出冢中去冢不五里有泉曰嗚咽相傳為

扶蘇自裁處葉映榴鳴咽泉賦序扶蘇墓有四一在臨潼縣藥水村一在

平涼府東一在寧縣西一在綏德州城中按綏德古上郡扶蘇

監蒙恬軍處賜死葬綏德當是關中陵墓志

蒙將軍恬墓 在州西南一里關中陵墓志在大理河北岸天寧寺下

馬志始皇使恬將三十萬眾築長城始皇崩李斯趙高陰謀立胡

亥為太子遣使者以罪賜恬死恬遂吞藥自殺史記本傳

金趙勸墓 在州西十里有施宜生碑州志

明馬文簡汝驥墓 在州城東五里賈志

姜憫忠漢墓 在州城南十里延安府志

清澗縣

宋

劉尚書行徊墓

在縣南五十里石白原

賈志

任尚書泰亨墓

在縣西七里紙張溝

賈志

泰亨仁宗朝兵部尚書

勅命祭葬今紙張溝翁仲猶存其裔孫進士明道仍立神道碑

縣志

高團練永能墓

在縣東九十里高官莊有碑

馮志

韓王母墓

在縣北五十里官山嶺

賈志

清澗之北五十里為官山

嶺嶺之中有韓王母墓不封不植而居人至今不敢耕牧也土

人云齊王韓信母冢冢之下有坎窞數十處皆深至丈許云作

竈并設伏者夫韓信生淮陰未嘗至清澗北盟會編云韓世忠

綏德軍人少年曾戲槊於二郎山此宋史所不載宜其母墓不

著也今韓王母墓為世忠母墓無疑至坎其下塹其旁皆宋人

拒馬處也南渡後韓王故鄉已沒於金尚得封識之乎譚吉璵韓王母

墓辨

元党太尉時濟墓 在縣東一百三十里党家山有碑賈志

李總管時忠墓 在縣東四十里賈志

師安墓 在縣南賀家灣西延安府志

明白都憲行順墓 在縣東一百里弟侍御行中墓亦在焉延安府志

劉叅政鏞墓 在縣南七里灣子少卿介孫侍御維禰曾孫長史

大觀俱祔延安府志

白同知惟勒墓 在縣南四十五里賈志

郝侍郎志義墓 在縣北八十里祔其父知州安墓側延安府志志義

刑部右侍郎子序援例乞祭葬劉瑾謂洪武禮制無此例下序

詔獄謫戍瑾敗乃復馮志

張侍御進祿墓 在縣西三十里賈志

劉檢討蘭墓 在縣北七里賈志

郝同知序墓 在縣北十五里賈志

惠通判之翰墓 在縣北七里賈志

白知州壁墓 在縣南十五里賈志

郝知州名宦墓 在縣北十里賈志

惠主事承芳墓 在縣南賈志

白知州宗舜墓 在縣東次子僉事慧元墓亦在焉延安府志

李御史光祖墓 在縣南七里延安府志

葭州

李于李忠墓 在州境州志

五女墓 在州西七十里五女川南山之陽姓氏不詳相傳州民

無子生五女元時父死於兵五女誓不嫁以養母一女偶有異言死後另擯一列

州志

吳堡縣

宋

郝尚書文義墓

在縣北李家原神道碑為耕者磨農器漫滅

縣志

明

薛僉事國柱墓

在吳堡縣

延安府志

神木縣

宋

劉節度倫墓

在縣南門外子城內倫係太平興國二年節度使

綏麟州路總管

縣志

楊六郎墓

在北門外子城內俗傳為楊六郎墳

縣志

明

梁武莊震墓

在縣南十里

延安府志

府谷縣

宋

折太君墓

在縣西四十里楊家小寨縣人呼為折太君墳

縣志

太君墓宋名將克行之母也

延綏鎮志

觀察使折克行墓

在縣北三十里李家窪

縣志



